

大定縣志

輿地志



10954.3
12



大定縣志序

自古擁旌旄應木介者靡不於救寧圖功後稽宏隆涉巖壑順時
 覲土醜酒投壺以樂燕衎沛公入關諸將爭取金帛鄼侯獨搜版
 圖其知以戶籍險要操勝算者即此意也己丑春余戡亂威水畢
 黔等處定郡地勢尤以雄壯著邦人耆老簞食壺漿赴赤迎師更
 以志藁進覽竟分訂十七門為卷二十二其旨遠其辭文其體裁
 悉遵通志頒行條例洵津梁善本也粵考全黔道咸間歸然以修
 志鉅手鳴者莫猶人先生嫡派必於鄭子尹莫子偲兩徵君首偁
 一指貞定文集遵義府志此其最著迄今將近百年稍識考據訓

大定縣志

卷一

序

詁之學者固不閤置一冊邇時老師宿儒爭託價購洛陽紙貴不
 啻和璧大定自滿清初始入版籍原設木窩普冲慕德三長官司
 修志之舉創自乾隆間知府王允浩祇聞其成未見其書道光二
 十八年知府黃宅中重輯之正當鄭莫修播志時聞為鄒叔勳主
 筆鄒與鄭莫為文字交切磋有年意其書必大有粲然可觀者同
 治三年城陷遽厄於難梨棗灰燼吁可慨已光緒中知府謝文翹
 設局續修弗就己卯繆知事爾綽又續弗就已未趙知事顯國張
 知事鑑先後相續仍弗就癸亥梁知事炳奎復續之稿雖畢未審
 定甲子又大亂黔黎凋敝水深火熱困於役傷於財無所控告余

檄重軍蒞止芟夷蕩平之次年李孝廉芳王茂材寶珩校讐既竣
斯志於以告成是役也天文從略圖志經劃撥甌脫小有出入建
置前事互有增輯至於人文秩祀也食貨也職官也以及宦績學
校選舉武備風土經業鄉賢列女古蹟雜志藝文舊志敘錄莫不
如是我聞鏗爾而雅益服歷年纂修採訪諸君子零搜碎集口所
能言適於求民利弊興革之日藉以鑒定皆有數焉於其間也志
既藏事購機召匠石印之余更幸獲先親為快爰吮毫以誌其緣
起若僭以杜征南註左目余者余又豈敢

中華民國十有五年丙寅仲夏月貴州省長周西成敘於節署

序

趙宋之季方志盛興爰暨明清流行益繁然作者如林而名者寡如晨星其故何哉蓋範圍狹則取材不足盡事物之變紀錄闕則佈局無以發文章之奇晉之乘楚之構杞魯之春秋分茅之朝幅員誠不逮後之大縣然既崇以國號於是上起王室旁及列邦凡事之與其國有繫屬者良史皆得而運用之晉楚書今雖不傳而春秋大略猶可考見也夫春秋特方志之一種世人震於尼父之刪削以為猶天之不可階而升斯固謬見藉取近世方志而信尼父秉筆將所謂微言大義亦無從發凡而起例此由封建郡縣根本攸殊古今異體不可強也晚清文人如王壬秋吳摯甫皆博極羣書學有師法然所主修各志未聞若何超絕貴州設治始於有明僻處荒陬因仍譚陋惟道光末鄭子尹莫子偲兩先生合撰遵義府志見推雅贍兩先生究天人之際擅考據之長兼自改土歸流以來承小康之後民間數十年不見兵革財力敦龐人情悅豫凡此皆足以促兩先生之成功使西南方志中炳焉煥焉放一異彩得不謂貴州之光榮也乎大定往時列郡與遵義同而土地人民皆有親轄則異於遵義乙丑冬余奉命駐蹕滇軍小住是邦覽其山川之雄奇人民之樸厚物產之繽紛亟索縣志藉資參證而

舊志板燬於火印本散佚新志屢作屢輟訖未脫稿如瞽失相悵
然者久之欲提倡續修顧以寇難初平饑饉存至死亡相屬拯卹
不遑權衡緩急尚有其重且大者懷議未發去之畢節忽忽又數
月矣此者秋成有慶善後具舉代理知事潘慎勤及邑紳耆慮志
乘之久闕文獻之日就湮泯也協謀設備衆志僉同乃開館舍禮
名宿分其門別其類日有課月有程郵書畢節徵序於余余因之
有感焉感夫方志之作不可不勉其難者亦不可廢其易者勉其
難者譬則麒麟之於走獸鳳凰之於飛鳥泰山之於丘垤河海之
於行潦出類拔萃物各有極也廢其易者是猶家居日用而無布
帛菽粟也諸君子受任災害之餘取辦倉猝之際一切憑藉皆遠
遊鄭莫兩先生時則其為書正不必靳勝於遵義府志而一念夫
貴州以外趙宋以還名者幾何作者幾何尤不必兢兢有靳勝之
心傳曰禮失而求諸野又曰與其過而廢之也寧過而存之諸君
子勛旃余將刻期觀成先覩為快已

中華民國十四年乙丑嘉平月黔軍第六師師長桐梓毛光翔序

序

民國十四年秋余趨公畢陽道出大方彼都人士重修縣志成適
屆審定期間劄劂之付有日矣相與問序於余夫以輝章一介武
人薄涉典籍間關戎馬馳驅十載學殖荒落其可以半解一知貽
譏緣起第念縣邑之志乘重猶國家之史籍言乎天文而分野著
盡乎地利而疆域分明乎人文而學校興可以識建置之沿革辨
風俗之純漓考物產之紛繁崇祭祀則典禮聿修稽賦稅則儲蓄
裒廣籌武備則餉糈填輯持政教之大綱者胥於是乎取則而且
幽光潛德藉以表彰學士文人知所觀感所係不綦重哉自來政

大定縣志

卷一 序

五

教之樞紐大率由喬野而日趨文明脫記載闕如必其文獻無徵
其不至無禮無學而犯義犯刑者幾希矣大方舊志續修至今閱
數十年中間山河大異滄桑小劫鴻篇鉅製悉委叢殘遺老故舊
半歸零替吉金樂石或沉靈於荒煙蔓草之中斷碣殘碑已非復
綠字赤文之舊後有作者雖欲有所徵據而亦靡所折衷此重修
之役所為汲汲乎不可須臾緩也縣之耆舊有鑒於此亦嘗屢事
興作然旋舉旋停一由世變之紛歧一由經費之奇絀今得邦人
耆舊協力圖維茲書因告竣功今幸得觀厥成重以此邦賢雋雅
意殷奉義無可辭謹綴數言用紀崖略他日鈔板出書擁卷忻然

所謂鈞天廣樂必有奇麗之觀者行將操左券而獲之也
中華民國十四年嘉平月 黔軍第三師 古播健儒栢輝章謹撰
步六團團長

大定縣志

卷一

序

六

予種人也有墓田在定東偏之楠木溪以地籍論亦屬定齊民之列也且暮秋權篆是邦公暇地方紳耆以續修縣志謀於予考大定原為木窩普冲慕德三長官司地有清康熙四年始設府乾隆間知府王允浩報修府志未付剞劂道光二十八年知府黃完中始重輯而成板存府署同治三年城陷燬於賊歷年既久其書幾蕩然無存光緒中知府謝文翹乃設局續修旋即停止逮及反正政府為縣民四縣知事繆爾綽組修縣志護國軍興因以中止迨至民八趙知事顯國復為倡修設局四月去任繼任者為張知事

繼續成之第採訪未周多所遺漏未經付梓十有二年經知事梁炳燧籌款續修旋因交卸仍未梓行年來亂軍股匪為禍吾黔凡人跡所至之地無不蹂躪殆遍人皆謀生未暇何計及於志乘之存滅哉以故兩年以來所謂縣志仍在孕育中夫以舊志既如彼新志復如此倘任歲月蹉跎稿本遺佚孰習地方掌故之博儒碩彥漸歸凋謝雖有志者恐亦難以善其後也果爾不但吾定人抱數典忘祖之憾後有採風問俗者既無以資復無以應以二百餘年文物之邦詎不遺化外之譏耶言念及此心焉惴惴茲值大難甫平邦人等以人不急為人所難為之盛舉商予予重以桑梓

之誼官守之責敢不勉成其志略盡一簣之功以延此墜緒之文
獻於是乃委饒君家琳為縣志續辦員李君芳玉君寶珩為審定
員設局辦理期以最短期間嚴其事予因解組在即雖不文倚裝
草此以誌此次勦議顛末亦一鴻跡非敢言序云爾

中華民國十四年夏曆乙丑孟冬代理大定縣知事潘慎勤謹識

序

古者掌四方之志代有專官凡陳詩觀風入國問俗擇必精語必詳也後世察土宜訪耆舊往往今異於古見不逮聞者蓋時隨勢為變遷轉瞬滄桑已為陳迹不有掌故事奚由考余蒞是邦晚踵前守謝繆趙張梁諸君後甫下車邦人告余曰公來暮縣志成請序簡端余索橐瀏覽果裒然成帙焉繫維志者記載之名也非兼才學識三長動訾罅漏或不翔實雖徵文考獻範水模山亦陋甚大方自唐迄明如漢陽南廣祿望湯火諸稱遞嬗遞更閱十餘載安氏世據其境懷柔所及祇羈縻弗絕耳其地烏道羊腸徑輪廣

大定縣志

卷一

序

九

裏倣詭異狀而人材毓起同光間畀任封圻聯翩黃甲歌鹿鳴而來者難盡覩縷若夫峙者淨者往者來者育者徵者輸者頌者隱者習於禮者傳於世者昭然在人耳目續修之役今不歲而事自時而後抱殘守缺無微不至弗滋愆戾集邦人瞠目付諸石印余不敏呵凍復敘附末藉以觀民風問國俗有司事也後有作者庶獲津梁於萬一云

中華民國十四年歲次乙丑嘉平月古珍州黃希丞撰

序

江文通謂作史莫難於作志夫作志固難已而尤莫難於吾大定之志是非獨體例之難採輯之難已也而成書之難為尤甚大定自秦漢以來淪於戎索輜軒未采聲教不通遠唐迄明雖時或郡縣其地而為漢陽為南廣為祿火為湯望其大要不過羈縻勿絕而他何論焉安氏雄長一隅千有餘載閉關拒守丸泥自封其所傳寫者阿呵之文其所誦說者補蘇之語又以天南萬里中州人士足跡所未經水西蠻獠之鄉又無通人碩彥紀載之闕如亦勢有固然無足怪者洎乎清初改土列入版圖由康雍以迄乾隆之

大定縣志

卷一

序

十

十有五年蓋已近百年矣始得郡守王公允浩創修志稿成書八卷僅載轄地而所屬尚未之及以未梓而去定之有志稿自是始又由乾嘉而逮道光之末蓋又百年矣始得郡守黃公惺齋取王氏之舊作增其所本無補其所未備又採錄五屬事實彙纂成書鋟板印刷行於世定之有志書自是始乃未幾而甲子之變板為賊燬書亦散佚其幸存者非殘缺即斷爛以生長其地之老生宿儒目不睹宗邦文獻數典忘祖責又奚辭及至光緒末年郡守謝公秀山建議續修而城紳楊君寶書陳君函九諸人竭力慫恿殆深冀是書之有成也維時延委編纂者亦濫廁其間乃開局甫二

月竟未得一字而罷迄民國四年縣長繆公仲漁籌款續修擬定八門芳亦在編纂之列乃開局不二月仍未得一字而罷越八年己未縣長趙公爾嘉任內省垣有續修通志之舉適奉前省長劉公通令暨前局長任公頒發採訪條例趙公始籌商於郡人士設局興修延芳為總纂陳王二君為分纂遴委諸紳親詣各鄉採訪開局三月採訪甫畢而趙公旋卸篆時代者為張公鏡明以款不濟下令停止延至冬初張公復與督採符君朗軒等提款開辦委任王劉諸君分門纂輯越明年七月歲事惟是草創猶成未昭劃一因以度置者又復數年癸亥冬縣長梁公少甫蒞定知是書之

成猶未成而惟恐前功之盡棄也乃汲汲焉議修改延致芳總其事而以陳君伯莊劉君魯璠王君楚珍三人望驅後先贊其邪許取元書釐訂而是正焉至甲子春仲脫稿正籌付梓間而梁公受代去即至今冬十月提倡印刷以前次倉猝成書不無訛謬乃籌商於縣長潘公設審定局屬芳與楚珍重事勘閱補其缺而正其誤又復捐資在渝購買石印機以來延募工人印榻裝訂復得今縣長黃公希丞總理楊君露沾頒佈各區團籌款接濟而是書始告厥成嘻其難哉夫前者之難難於創也後者之難難於因也以一縣志之成首尾歷七八年之久前後竭數縣長之力總費公家

四五千元之款而僅僅有今日可不謂難矣哉若夫芳者謫陋無文謬為地方人士所推薦歷任郡長所識拔除張公續辦一次函召未來外計自謝府以迄今茲幾於無役不從身當其境目擊其事而其間之曲折幾經翻覆幾易作而輟輟而作者又幾變而始歎昔人謂作志之難殆莫難於是已今幸是書之成而為之誌其起訖有如此者至其書之體裁則一遵通志局所頒條例雖小有出入亦無大更張也茲故不復贅云

中華民國十四年歲次乙丑嘉平月下泮信余甫李芳謹識

纂輯

鑒定

貴州

省

長

周

西

成

前理

大定府

知

府

謝

文

翹

大定縣

知

事

繆

爾

綽

續理

大定縣

知

事

趙

顯

國

大定縣

知

事

張

鑑

大定縣志

卷一 修纂銜名

一

大定縣

知

事

梁

炳

燧

大定縣

知

事

潘

慎

勤

督理

大定縣

知

事

黃

希

丞

督印

丁酉科舉人揀選四川鹽大使代理八寨縣知事

蔣

中

督採

乙酉科拔貢四川候補直州判

符

瑞

貞

纂輯

乙丑恩科舉人大挑二等正安州學正 李芳

分纂

己丑恩科舉人大挑二等天柱縣教諭 陳厚

庚子辛丑恩正併科舉人籤分廣西知縣 劉瑜

己酉科拔貢四川候補直州判 王寶珩

大定府 歲貢 羅星燦

大定府 歲貢 王乃昌

採訪

丁酉科副榜 劉瑤

大定縣志

卷一

修纂銜名

二

丁酉科拔貢 彭鴻模

己酉科拔貢四川候補直州判 陳其詩

己酉科優貢湖南候補直州判 李端榮

增 生 徐彬先

增 生 黃德銑

廩 生 田時中

廩 生 趙若水

附 生 周光燧

法政修業 生 陳遜德

檢校

大定府增生饒家琳

繪圖

測繪學社畢業生吳光昭

測繪學社畢業生徐正學

師範講習所畢業生王善導

繕書

大定府廩生孟光培

中學畢業生饒永修

大定縣志 卷一 修纂銜名 三

師範傳習所畢業生謝天秩

師範傳習所畢業生向世濱

師範傳習所畢業生焦玉珩

師範傳習所畢業生張孝先

師範講習所畢業生饒永和

陸軍測量學校畢業生彭蔚華

高小畢業生王善統

高小畢業生李承銓

蠶桑講習所畢業生盧鑫

陸軍測量局學生隊畢業簡孝商

庶務經費會計徐光遠

勸學所書記劉丹粟

總務科科員李義文

籌印 吳紹基

大定六屬聯團總監陳錫光

團防總理楊光湛

庶務

大定縣志

卷一 修纂銜名

四

大定府廩生章際芝

團防局文牘王世康

中區區長梅承烈

中區區長江純清

高小畢業生劉宗漢

歐兆璋